

## Esekiel

Propete Esekiel gêmoa nom gêdêñ tañ sesen malac Jerusalem su gêdêñ jala 586 gêmun Kilisi gêmêñ nomña nañ. En gêjam sakin lau, tañ sêngôn kapoacwalô anga Babilon to êsêac, tañ sêngôn Jerusalem nañ. Buku tau gêwa tau kêkôc gêja ñasêbu aclê gebe

1. Mômêlatu 1–24 Propete kêkêñ puc nê lau gebe ñacjo oc sêku Jerusalem tulu ma sensen malac tau su ênaña.
2. Mômêlatu 25–32 Apômtau kêkêñ jaen gebe êmêtôc lau-m toê-toê, tañ sêkônin ênê lau to sêwê êsêac seogen nañ.
3. Mômêlatu 33–39 Gêdêñ tañ Jerusalem gêjaña su nañ, Apômtau gêjac nê lau têntac tôn to gêjac mata gêdêñ êsêac gebe êmoasin êsêac êndên têm, tañ gêc nêmña nañ.
4. Mômêlatu 40–48 Esekiel gêlic lôm dabun wakuc to ñagêñlêlôm ma gêwa Judawaganêñ lau-m wakuc sa amboac tonanjen.

Esekiel kêkêñ gêwiñ ñanô ma gêlic ñakatu taêsam gêc nê ñalêlôm. En gêlic ñakatu tau gêdêñ tañ nê katu kain ten kêsanañ. Ma en gêwa nê jaen taêsam sa ña dôñ, tañ gêjam nañ. Esekiel kêkac lau gebe sênam taun ôkwi e nêñ ñalêlôm êtu wakuc ma en gêlêñ bin tamenji gebe sejop nêñ latunji ñapep. En kêsôm lasê gebe kêkêñ mata lau sênam taun ôkwiña e nêñ lêñ êtu wakuc. Esekiel en propetegen atom, en dabunwaga amboac tonanjen. Kêtu tonanña en taê kêka ñanô gebe lôm dabun êtu wakuc ma lau sêmansañ taun e têtû lau dabun.

### *Anôtônê lêpôn*

<sup>1</sup> Gêdêñ jala kêtú 30 ñaajôn kêtú aclê ma ñabêc kêtú lemeñ teñ aê gamoa gawiñ lau kapoacwalôña anğa bu Kebar ñatali. Gêdêñ tonañ undambê gêña ma galic ñakatu, tañ Anôtô gêsun gêdêñ aê nañ.

<sup>2</sup> Gêdêñ ajôn tau ñabêc kêtú lemeñ teñ tonañ kiñ Jehoiakin gêngôn kapoacwalô ñajala kêtú lemeñ teñ su

<sup>3</sup> ma Apômtau kêsôm gêdêñ Busi latu aê, dabunwaga Esekiel, anğa bu Kebar, tañ kêpoac Kaldeanêñ gamêñ nañ. Ma Apômtaunê ñaclai mêngejam aê auc.

<sup>4</sup> Aê gaóc matoc sa ma galic mu gêbuc ñatêna sec, tañ gêmêñ anğa gamêñ gêmu kêsêpña (nodoña) totao kapôênanô, tañ ñawasi kêkôm aê auc to ja kêpêlan kêsá gêmêñ ñapan nañ. Ma anğa ja tau ñalêlôm aê galic amboac bras ñamondec-mondec.

<sup>5</sup> Anğa mutêna tau ñalêlôm aê galic ñakatu amboac gêñ mateñ jali aclê, tañ ñakatu amboac ñamalac.

<sup>6</sup> Êsêac samob nêñ lañônânô aclê-aclê to ñamagê aclê-aclê kêtômgen.

<sup>7</sup> Êsêac enkain solop ma galic enpoap amboac bulimakao kapoac nêñ ma ñawasi to ñaôsic-ôsic amboac bras.

<sup>8</sup> Êsêac lemeñ kêtôm ñamalacnêñ ma kêsá anğa nêñ ñamagê aclê-aclê ñaka-sunlabu. Ma êsêac lañônânô to nêñ ñamagê amboac tonec gebe

<sup>9</sup> Nêñ ñamagê luagêc gêlam e ñatêpôê kêmooasac tau ma êsêac embe sêsêlêñ, go sêkac tauñ ôkwi-ôkwi teñ atom, sêsêlêñ solopgen sêja.

<sup>10</sup> Êsêacnêñ lañônânô ñakatu amboac tonec gebe

Êsêac samob nêḡ laḡôḡanô, taḡ gêc nêḡḡa naḡ, ḡakatu amboac ḡamalac. Laḡôḡanô anôḡa amboac lewe ma laḡôḡanô gasêḡa amboac bulimakao to laḡôḡanô dêḡôêḡuḡa amboac momboanḡ.

11 Êsêac sêlam nêḡ ḡamagê luagêc-luagêc gêḡu kêḡi e sêmoasac tau. Ma êsêac sêkwa ôliḡ auc ḡa nêḡ ḡamagê luagêc-luagêc ḡagêdô.

12 Ma samob sêsêlêḡ solopḡeḡ sêḡa kêtôm ḡalau gêḡam gôliḡ êsêac ma sêkac tauḡ ôkwi teḡ atom.

13 Anḡa gêḡ matenḡ jali tonanḡ ḡalêlôm gêḡ teḡ gêc, taḡ galic amboac ja ḡalana kêtôm dawenḡ ḡawê ḡaoleb-oleb kêsa. Ja tau ḡawê kainḡ teḡ ma ôsic kêkac anḡa ja tau kêsa gêmêḡ.

14 Ma gêḡ matenḡ jali tau sêlêti sêḡa sêmêḡ—sêḡa sêmêḡ eb tagenḡ amboac ôsic kêkac.

15 Gêdêḡ taḡ aê kasala gêḡ matenḡ jali tonanḡ naḡ, aê galic wil aclê sêkô nom, wil tau tagenḡ-tagenḡ kêtôm êsêacḡeḡ.

16 Wil aclê tonanḡ kêtôm taugenḡ, ḡawasi amboac pocawa. Kêtôm wilḡeḡ wil teḡ gêḡac keso ḡalêlômḡeḡ.

17 Embe sêsêlêḡ sêna gamêḡ tônê me ônê, oc sêsêlêḡ solopḡeḡ sêna, sêkac tauḡ ôkwi-ôkwi atom.

18 Ma matenḡanô gêḡam wil samob ḡatali aucḡeḡ.

19 Ma gêḡ matenḡ jali aclê tau embe sêsêlêḡ, go wil sêsêlêḡ sêwiḡ êsêac. Ma gêḡ matenḡ jali embe sêôḡ sa sêḡi anḡa nom, go wil sêôḡ sa amboac tonanḡeḡ.

20 Gêḡ matenḡ jali aclê sêsêlêḡ kêtôm nêḡ ḡalau têtac gêwiḡ ma wil dêdi sêwiḡ êsêacḡeḡ gebe gêḡ matenḡ jali nêḡ ḡalau gêḡam gôliḡ wil amboac tonanḡ.

21 Amboac tonanḡ têm samob naḡ gêḡ matenḡ jali tauḡ embe sêsêlêḡ, go wil sêsêlêḡ. Embe sêkô, go

wil sêkô. Embe sêôn sa, go wil sêôn sa amboac tonanjen gebe gên maten jali nêj njalau gêjam gôlin wil.

<sup>22</sup> Anja gên maten jali môkênjapac lôlôc gên ten gêc, tan galic amboac umbon njawasi amboac glas kain ten, njê kristal.

<sup>23</sup> Anja umbon njalabu gên maten jali taun sêkô ma sêmêtôc nêj njamagê luagêc kêtômgen e ten nê kêmoasac êsêagêc, tan sêkô en maken-maken nan nêj. Ma êsêac sêkwa nêj ôlin auc na nêj njamagê luagêc njagêdô.

<sup>24</sup> Gêdên tan sêsêlên nan, aê ganô nêj njamagê njakicsêa amboac bu kapôên njakicsêa ma amboac Apômtau njalai njatau nê awa to gamên njadindin amboac sinwaga ton kapôên nêj njadindin. Gêdên tan sêkô nanên nan, sêgasun nêj njamagê

<sup>25</sup> Mago awa ten kêsa anja umbon, tan gêc êsêac môkênjapac njôna nan njapanjen.

<sup>26</sup> Ma anja umbon, tan gêc êsêac môkênjapac njôna nan, njamaken aê galic gên ten amboac lêpôn sapir majan-majanja ma njakatu ten amboac njamalak gêngôn lêpôn tau njô.

<sup>27</sup> Ma galic njakatu tau njamaken njôna njawasi amboac bras njamondéc-mondéc ma njamaken njalabuja amboac ja njawô. Ma njawê njawasi kain ten kêtôm njakatu samucgen auc.

<sup>28</sup> Ma njawê njawasi tau kêtôm kasômbuc, tan kêtô tao njalêlôm nan. Apômtaunê njawasi njakatu tau tonan.

*Apômtau kêkalem Esekiel gebe êtu propete ten*

Aê galic ma gau tauc gaêc lanjôcanô gêdên nom ma ganô awa ten, tan kêsôm bin nan.

## 2

<sup>1</sup> Ma en kêsôm gêdêḡ aê gebe “Ḥamalac latu, ôndi sa. Aê gabe jasôm biḡ êndêḡ aôm.”

<sup>2</sup> Gêdêḡ taḡ awa kêsôm biḡ gêmoa naḡ, Apômtau nê ḡalau kêsêp aêḡoc ḡalêlôm gêja ma gêôc aê sa jakakô ma aê gaḡô awa tau kêsôm biḡ gebe

<sup>3</sup> “O ḡamalac latu, aê gabe jasakiḡ aôm ôndêḡ lau Israel. Êsêac to nêḡ mimi sêli tauḡ sa to sêbuc dêmôêḡ aê e mêḡgêdêḡ galoc.

<sup>4</sup> Êsêac gêsunḡtêkwa ḡatonḡ to tetoc aê sa atom. Aê jasakiḡ aôm ôndêḡ êsêac ôna gebe ôsôm êndêḡ êsêac gebe Apômtaunê biḡ tau tonec.

<sup>5</sup> Êsêac lau toḡ teḡ, taḡ sêli tauḡ sa ḡasec, tec êsêac sêkêḡ taḡeḡ me sêkêḡ taḡeḡ atom, mago êsêac sêjala gebe propete teḡ gêmoa êsêac ḡalêlôm.

<sup>6</sup> “Ḥamalac latu, aôm ôtêc êsêac to nêḡ biḡ atom. Gêḡ ḡatêkwa to locḡôm oc sêkôm aôm auc ma ôḡḡôḡ alidêbu ḡaô, mago ôtêc êsêacnêḡ biḡ to nêḡ laḡôḡsiboa atom gebe êsêac lau toḡ teḡ, taḡ sêli tauḡ sa ḡasec naḡ.

<sup>7</sup> Aôm ôsôm ḡoc biḡ êndêḡ lau toḡ teḡ, taḡ sêli tauḡ sa ḡasec naḡ, êsêac sêkêḡ taḡeḡ me sêkêḡ taḡeḡ atom.

<sup>8</sup> “Ḥamalac latu, aôm ôkêḡ taḡam biḡ, taḡ aê gabe jasôm êndêḡ aôm naḡ. Ôli taôm sa êtôm êsêac atom. Ôḡa awamsunḡ ma ôniḡ gêḡ, taḡ aê gabe jakêḡ êndêḡ aôm naḡ.”

<sup>9</sup> Go aê galic lêma teḡ, taḡ kêmeḡḡôm papia tolun teḡ naḡ, kêmetôc tau gêdêḡ aê.

<sup>10</sup> Ma lêma tau kêlainḡ papia tau ma galic teto biḡ taḡiboanḡa to biḡ ijoc ma biḡ ojaenḡa kêsêp makeḡ-makeḡ.

### 3

<sup>1</sup> Go Anôtô kêsôm gêdênj aê gebe “Namalac latu, ôniñ gênj, tañ gêc aôm lañômniêmña nanj, ôniñ papia toluj tonanj, go ôna ma ôsôm biñ andênj lau Israel.”

<sup>2</sup> Amboac tonanj aê gaña aocsuj ma enj kêkênj lunj tau gêdênj aê gebe janiñ.

<sup>3</sup> Ma enj kasôm gebe “Namalac latu, ôniñ papia tec kakênj gêdênj aôm nec e ênam têmeacsêga auc.” Aa gaenj gênj tau ma kasaê ñakana kêtôm lap.

<sup>4</sup> Go Anôtô kasôm gebe “Namalac latu, ôndênj lau Israel ôna ma ôsôm ñoc biñ lasê êndênj êsêac.

<sup>5</sup> Aê jasakiñ aôm ôndênj lau toawenj talô ma toawenj ñawapac nec atom, jasakiñ aôm ôndênj lau Israelgenj.

<sup>6</sup> Aê jasakiñ aôm ôndênj lau-m ñagêdô, tañ sêsôm awenj jaba, tañ aôm gônô atom nanj atom amboac tonanjenj. Embe jasakiñ aôm ôndênj lau-m amboac tonanj, oc sêkênj tañenj aôm awam.

<sup>7</sup> Mago lau Israel oc sêkênj tañenj aôm awam atom gebe êsêac dedec gebe sêkênj tañenj aê aoc. Biñ tonanj ñam gebe lau Israel samob gêsunjtêkwa ñatonj ma nanj ñalêlôm ñadani.

<sup>8</sup> Ôlic acgom, galoc aê janjôm aôm lañômsiboa atôm êsêacnênj ma têmbêlam ñajajaña êtôm êsêac tenjelenj.

<sup>9</sup> Biññanô, aê kakênj aôm têmbêlam ñajajaña kêtôm pocawa kainj tenj diamand su. Ôtêc êsêac atom ma êsêac lañônjsiboa êtakê aôm atom gebe êsêac lau tonj tenj, tañ sêli taunj sa ñasec nanj.”

<sup>10</sup> Go Anôtô kêsôm biñ tonec gêwiñj gebe “Namalac latu, biñ samob, tañ jasôm êndênj aôm nanj, ênêc nêmbêlam ñalêlôm ma ôkênj tañam aê aoc tau.

11 Gocgo ôndên nê lau, tañ sêngôn kapoacwalô nañ, ôna ma ôsôm êndên êsêac, tañ sêkên tañeñ me sêkên tañeñ atom gebe ‘Apômtaunê bin tau tonec.’ ”

12 Go Anôtônê Nalau kêsip aê sa ma gêdên tañ Apômtau toñawasi gêdi nañ, aê ganô ôjô gêjam ñakicsêa kapôên aña aê dêmôêcmaña.

13 Ñakicsêa tau ñam kêsêp gên mateñ jali sêkac ñamagê kêpi tau ma wil kêsêlên gêwiñ êsêac. Ma ñakicsêa tau tonañ kêtôm ôjô ñakicsêa.

14 Go ñalau kêsip aê sa ma kêkôc aê gêc gêja. Ma aê gaêc gaja toñaclaigen e ñalêlôm kêpuc aê ma Apômtaunê lêma kêkônin aê ñanôgen.

15 Tec aê gaô lasê lau kapoacwalôña, tañ sêngôn malac Tel Abib aña bu Kebar ñatali nañ. Aê gangôn êsêac ñalêlôm bêc 7 toñoc ñalêlôm gêmô aêgen kêtû gên, tañ galic to ganô nañ.

### *Apômtau kêkên Esekiel kêtû dibwaga teñ*

16 Gêdên tañ bêc 7 gêjaña nañ, Apômtau kêsôm bin gêdên aê.

17 Eñ kêsôm gebe “Ñamalac latu, aê kakên aôm kêtû dibwaga lau Israelña. Êndên tañ ôñô bin êsa aocsuñ, nañ naôkên puc êsêac ônam aê lanôc.

18 Aê embe jasôm êndên ñac alôb-alôb teñ gebe eñ oc êmac êndu, mago aôm embe ôkên puc to ôsôm bin êndên eñ e êwi nê lêñ sec sin ma êmoa mata jali nec atom, oc ñac alôb-alôb êmac êndu êtu nê secña, mago aôm oc ôwê ênê dec ñakaiñ.

19 Mago aôm embe ôkên puc ñac alôb-alôb ma eñ êwi sin atom to ênam tau ôkwi aña nê lêñ sec atom, go eñ oc êmac êndu amboac ñac alôb-alôb, mago aôm gôjam taôm kêsi.

20 “Ma tenj. Nac gêdênj tenj embe êwi nê lênj gêdênj sinj ma êngôm sec ma aê jakênj enj êka selelec, enj oc êmac êndu, gebe aôm kôkênj puc enj atom, tec enj êmac êndu êtu ênê secja. Aê oc taêc ênam nê kolenj njajam, tanj enj gêgôm nanj, êtiam atom. Mago aôm oc ôwê nê dec njakaij.

21 Mago aôm embe ôkênj puc njac gêdênj tenj gebe êngôm sec atom ma enj embe endec sec, nanjo êmoa mata jali gebe enj kêkênj tanja nênj puc ma aôm oc ônam taôm katôm kêsi amboac tonanjenj.”

### *Esekiel oc êtôm gebe êsôm biñ atom*

22 Ma Apômtau lêma gêsac aê ma enj kêsôm gêdênj aê gebe “Ôndi sa ma ôsa gaboanj ôna. Aê gabe jasôm biñ êndênj aôm anja tônê.”

23 Amboac tonanj aê kasa gaboanj gaja ma anja tonanj aê galic Apômtaunê njawasi kêtôm aê galic su anja bu Kebar njatali. Aê gau tauc lanjocanj gêdênj nom,

24 mago Apômtaunê Njalau gêjam aênjoc njalêlôm auc. Ma Apômtau kêsôm gêdênj aê gebe “Naôsô nênj andu ma ôlai katam auc.

25 O njamalac latu, oc sêsô aôm tônj njalêpoa ma aôm ôtôm gebe ôsa awê ôndênj lau atom.

26 Ma aê gabe jakênj imbêlam êsap lômboam tônj gebe awammê êsa ma ôtôm gebe ônac biñsu êsêac atom gebe êsêac lau tonj tenj, tanj sêli tauñ sa sec nanj.

27 Mago êndênj tanj jasôm biñ êndênj aôm nanj, jandelec awamsunj, go aôm ôsôm êndênj êsêac gebe ‘Apômtau Anôtô nê biñ tonec’. Nac tanj êkênj tanja nanj, ênjô biñ tau. Nac tanj endec nanj, endecgenj gebe êsêac lau tonj tenj, tanj sêli tauñ sa sec nanj.”



4:1-17:24 Apômtaunê jaen ñagêdô, tañ Esekiel geoc lasê nan, kêsêp ñasêbu tonec. Anôtônê bin kêkanôn Jerusalem, tañ ñacjo oc senseñ su nan, ma lau, tañ ñacjo oc sêwê êsêac nasêngôn kapoacwalô nan. Propete gêwa bin ñawapac ñam sa amboac tonan. Ñam kêsêp launêñ sakin gwamña to nêñ sec.

## 18

### *Lau samob sêwê nêñ bin ñakain êndên-êndêngeñ*

<sup>1</sup> Apômtau kêsôm bin gêdên aê gebe

<sup>2</sup> “Anğa gamêñ Israel amac asôm-asôm bingôlin lanğwa tonec gebe

‘Tameñi señ wain ñanô matac ma latuñi luñluñ siñ-siñ.’  
nan ñam amboac ondoc.”

<sup>3</sup> Apômtau kêsôm gebe “Aê gamoa matoc jali, tec jasôm êtu tôñ gebe sêsôm bingôlin tonan anğa Israel êtiam atomanô.

<sup>4</sup> Ôlic acgom, aê katu lau samob katuñ ñatau. Aê katu tama katu ñatau to latu katu ñatau amboac tonanğen ma ñac, tañ êngôm sec nan, êmac êndu.

<sup>5</sup> “Ñac gêdên êsap biñsu tôñ ma êsa nê lên ñanêñgeñ.

<sup>6</sup> Eñ êniñ gêñ anğa anôtôi jaba nêñ gamêñ ñabau to êoc mataanô sa êndên Israelnêñ gwam atom ma êngôm gêñ mockainña êndên nê ñac jaban eñ nê awê ma ênêc êwiñ, tañ ênam ôli ajôn nan atom.

<sup>7</sup> Eñ êkônin ñac teñ atom ma êngamin ñac teñ nê kamaclaun atom. Eñ ênam gengeñ atom. Eñ êkên mo êndên lau, tañ mo êjô êsêac nan, sêniñ to êkên ñakwê êndên lau toôlin ñaôma sêsô.

8 Enj êkêñ mone êndêñ lau, mago taê êka ñalakac atom ma enj êka jaê mone êlêlêc su atom amboac tonanjen. Enj êngôm sec atom ma êmêtôc launêñ biñ naêndêñjen.

9 Enj êsa nê lêñ êtôm ñoc jatu ma ejop ñoc biñsu ñapepjen. Ñac amboac tonanjen ñac gêdêñ ma êmoa mata jali. Apômtau Anôtô nê biñ tau tonanjen.

10 “Ma latu, tanjen ñac amboac tonanjen êka lasê nanjen, êjanjen gêñ su ma ênac ñamalac êndu ma êsa tamanê lêñ gêdêñ atom,

11 enj êniñ gêñ anjen anôtôi jaba nêñ gamêñ ñabau ma êngôm gêñ mockaiñjen êndêñ nê ñac jabanjen enj nê awê,

12 ma êkôninjen lau ñalêlôm sawa to lau sêpô lêna tauñjen ma ênam genjen gêñ to êngaminjen kamaclaujen ma êoc mataanô sa êndêñ gwam to êngôm gêñ alôb-alôb,

13 êkêñ mone êndêñ lau ma taê êka ñalakac to êka jaê mone êlêlêc su, oc êmoa mata jali me masi. Masianô. Enj gêgôm gêñ alôb-alôb samob tonanjen, amboac tonanjen enj êmac êndu, ma oc êwê enj tau êmac êndu ñakaijen.

14 “Ma latu tanjen ñac tau tonanjen êka lasê nanjen, êlic sec samob, tanjen tama gêgôm nanjen, ma êtakê to êngôm gêñ samob tonanjen atom,

15 enj êniñ gêñ anjen anôtôi jaba nêñ gamêñ ñabau to êoc mataanô sa êndêñ Israelnêñ gwam atom ma êngôm gêñ mockaiñjen êndêñ nê ñac jabanjen enj nê awê atom.

16 Enj êkôninjen lau to êjatu kamaclaujen ma êjanjen gêñ atom, mago êkêñ mo êndêñ lau, tanjen mo êjô êsêac nanjen, sêniñ ma êkêñ ñakwê êndêñ lau toôlinjen ñaôma sêsô.

17 En ejop lêma gebe êngôm gêṅ eso atom ma êkêṅ mone êndêṅ lau, mago taê êka ṅalakac to êka jaê mone êlêlêc su atom. En ejop ṅoc jatu to êsa nê lêṅ êtôm ṅoc biṅsu, oc êmac êndu atom, en êmoa mata jali biṅṅanôgeṅ.

18 Tageṅ ṅac tau tama, taṅ gêgôm gêṅ ṅaclai sec to kêjaṅgo launêṅ gêṅ ma gêgôm gêṅ ṅajam gêdêṅ nê lau naṅ atom, oc êmac êndu êtu nê secṅa.

19 “Ma amac atu kênac gebe ‘Latu êôc ṅandaṅ êtu tamanê secṅa atom êtu asageṅṅa.’ Latu kêsap biṅsu tôṅ to têtac gêwiṅ biṅgêdêṅ ma gejob ṅoc jatu samob ṅaṅêṅgeṅ, tec en êmoa mata jali biṅṅanôgeṅ.

20 ṅac taṅ gêgôm sec naṅ, êmac êndu. Latu êôc ṅandaṅ êtu tamanê secṅa atom ma tama êôc ṅandaṅ êtu latunê secṅa atom. ṅac gêdêṅ êtap nê ṅagêjô ṅajam sa ma ṅac sec êtap ṅagêjô sec sa êtu nê secṅa.

21 “Mago ṅac sec teṅ embe êkac tau su aṅga nê sec samob, taṅ en gêgôm naṅ, ma ejop ṅoc jatu samob ma êsap ṅoc biṅsu tôṅ ma têtac êwiṅ biṅgêdêṅ, naṅ êmoa mata jali biṅṅanôgeṅ. En êmac êndu atom.

22 Anôtô oc taê ênam nê sec, taṅ en gêgôm naṅ, êtiam atom. En êmoa mata jali êtu biṅgêdêṅ, taṅ en gêgôm naṅṅa.”

23 Apômtau Anôtô kêsôm gebe “Amac abe ṅac sec teṅ embe êmac êndu, oc jalic ṅajam me. Masianô. Aê têtac gêwiṅ gebe jalic en ênam tau ôkwi ma êmoa mata jali.

24 “Mago ṅac gêdêṅ teṅ embe êwi nê lêṅ gêdêṅ siṅ ma êngôm sec to êngôm gêṅ alôb-alôb, taṅ ṅac sec gêgôm naṅ, oc êmoa mata jali me masi. Masianô. Anôtô taê ênam ênê biṅgêdêṅ, taṅ en gêgôm naṅ,

ņaten atom. Eņ êmac êndu gebe eņ kêgêli biņsu ma gêgôm sec.

<sup>25</sup> “Mago amac asôm gebe ‘Anôtônê lêņ jagêdêņ atom.’ Amac lau Israel, akêņ taņem aê acgom. Nōc lêņ jagêdêņ atom me. Amac taôm nêņ lêņ tonaņ jagêdêņ atom.

<sup>26</sup> Nac gêdêņ teņ embe êkac tau su aņga biņgêdêņ ma êņgôm sec, e êmac êndu. Eņ êmac êndu êtu sec, taņ eņ gêgôm naņņa.

<sup>27</sup> Ma nac sec teņ embe êkac tau su aņga sec, taņ eņ gêgôm naņ, ma êsap biņsu tōņ to têtac êwiņ biņgêdêņ, go ênam katu kêsi.

<sup>28</sup> Eņ gêjam tau ôkwi aņga nê sec samob, taņ gêgôm naņ, tec êmoa mata jali ma êmac êndu atom.

<sup>29</sup> Mago lau Israel sêsôm gebe ‘Apômtaunê lêņ jagêdêņ atom.’ O lau Israel, amboac ondoc. Aêņoc lêņ jagêdêņ atom me. Aê gabe amacnêņ lêņ jagêdêņ atom.

<sup>30</sup> “O lau Israel, kêtū biņ tonaņņa aê gabe jamêtōc amac samob êndêņ-êndêņgeņ êtôm nêņ lêņ. Apômtaunê biņ tau tonaņ. Amac embe ambu taôm to anam taôm ôkwi aņga nêņ keso atom, oc anaņja êtu nêņ secņa.

<sup>31</sup> Ambaliņ nêņ sec samob, taņ agôm gêdêņ aê naņ, siņ ma amansaņ nêņ ņalêlôm to nêņ katôm êtu wakuc. O lau Israel, amac abe amac êndu êtu agenņa.”

<sup>32</sup> Apômtau kêsôm gebe “Nac teņ embe êmac êndu, oc jalic ņajam atom. Amboac tonāņ anam taôm ôkwi gebe amoa matem jali.”

**19:1-32:32** Jaeņ ņagêdô, taņ kêsôm lasê gebe Anôtô êmêtōc nê lau naņ, ma ņagêdô, taņ kêkanōņ

lau jaba, taŋ sêŋgôn sêsi Judawaga naŋ, kêsêp mômêlatu tonec.

## 33

### *Apômtau kêkêŋ Esekiel kêtû dibwaga teŋ*

<sup>1</sup> Apômtau kêsôm gêdêŋ aê gebe

<sup>2</sup> “o ŋamalac latu, ôsôm êndêŋ nêŋ lau gêŋ, taŋ ŋanô êsa êndêŋ noc, taŋ jakêŋ siŋ êsa gamêŋ êmêŋ. Lau gamêŋ tonanŋa sêjaliŋ nêŋ teŋ sa êtu dibwaga.

<sup>3</sup> Eŋ embe êlic ŋacjo têdabiŋ, naŋ eŋ ênac dauc êtaŋ gebe êkêŋ puc lau samob.

<sup>4</sup> Embe teŋ êŋô, mago êkêŋ taŋa atom e ŋacjo êô lasê ma ênac eŋ êndu, go eŋ tau êwê kaiŋ êmac êndu ŋatôp.

<sup>5</sup> Eŋ êmac êndu ŋatôp ênêc eŋ taunja gebe eŋ kêkêŋ taŋa puc atom. Embe eŋ êkêŋ taŋa oc moac eŋ êtôm gebe êc siŋ su.

<sup>6</sup> Mago dibwaga embe êlic ŋacjo sêmêŋ ma ênac dauc êtaŋ atom ma êkêŋ puc lau atom e ŋacjo sêô lasê ma sênac ŋac teŋ êndu, oc ŋac tau ênaŋa êtu nê secŋa, mago dibwaga êwê ênê dec ŋakaiŋ.

<sup>7</sup> “O ŋamalac latu, aê jakêŋ aôm ôtu lau Israel nêŋ dibwaga. Êndêŋ taŋ ôŋô biŋ teŋ aŋga aêŋoc naŋ, ôkêŋ puc êsêac ônam aê laŋôc.

<sup>8</sup> Aê embe jasôm êndêŋ ŋac sec gebe Aôm ômac êndu, mago aôm embe ôkêŋ puc eŋ gebe ênam nê lêŋ ôkwi gebe êmoa mata jali naŋ atom, go eŋ oc êmac êndu êtu nê secŋa, mago aôm ôwê ênê dec ŋakaiŋ.

<sup>9</sup> Mago aôm embe ôkêŋ puc ŋac sec ma eŋ ênam tau ôkwi aŋga nê sec atom, oc êmac êndu êtu nê secŋa, mago aôm gôjam taôm katôm kêsi.

*Lau sêwê nêj biñ ñakainj êndêj-êndêngen*

10 “Ma aôm ñamalac latu, ôsôm êndêj lau Israel biñ tau, tañ êsêac sêsôm nanj gebe ‘Gêñ sec to geo, tañ aêac agôm nanj, kêkôniñ aêac tôñ e abêlê. Aêac amoa maten jali amboac ondoc.’

11 Aôm ôsôm êndêj êsêac gebe Apômtau Anôtô kêsôm gebe Aê gamoa matoc jali biññanôgenj, tec jasôm êtu tôñ gebe ñac sec tenj embe êmac êndu, oc aê têtac ñajam atom. Ñac sec tenj embe ênam tau ôkwi to êmoa mata jali, aê oc têtac ñajam êsa. O lau Israel, anam taôm ôkwimanj, amac abe amac êndu êtu agenja.

12 “Ma aôm, ñamalac latu, ôsôm êndêj nêma lau gebe Ñac gêdêj embe êngêli biñsu, go êna lêñ gêdêj ênam enj kêsî atom. Ma ñac sec embe êwi nê sec sinj, go nê sec êku enj tulu ênaña atom. Ñac gêdêj, tañ êngôm sec nanj, oc êmoa mata jali atom.

13 Aê embe jasôm êndêj ñac gêdêj gebe êmoa mata jali ma enj taê êka nê lêñ gêdêj e êngôm sec, go aê taêc ênam ênê lêñ gêdêj tenj êtiam atom ma enj êmac êndu êtu nê secja.

14 Ma tenj. Aê embe jasôm êndêj ñac sec gebe amac êndu biññanôgenj, mago enj embe ênam tau ôkwi anja nê lêñ sec ma ejop ñoc jatu to êsap biñsu tôñ

15 ma êngaminj kamaclaunj atom to êjô gêñ, tañ kêjanjo su nanj, ma êngôm biñsu, tañ kêtû anjônj matem jali ñam nanj, ñanô êsa to êngôm sec atom, nanj êmoa mata jali biññanôgenj, enj êmac êndu atom.

16 Aê oc taêc ênam ênê sec, tañ gêgôm nanj, ñatenj êtiam atom. Enj gejob ñoc jatu to kêsap biñsu tôñ, tec êmoa mata jali biññanôgenj.

17 “Ma nê m lau sêsôm gebe ‘Apômtaunê lêḡ jagêdêḡ atom.’ Mago aê gabe êsêacnêḡ lêḡ jagêdêḡ atom.

18 Ḥac gêdêḡ embe êwi nê lêḡ gêdêḡ siḡ ma êḡgôm sec, oc êmac êndu êtu tonanḡa.

19 Ma ḡac sec embe êwi nê sec siḡ ma ejop ḡoc jatu to êsap biḡsu tōḡ, oc êmoa mata jali êtu tonanḡa.

20 Mago amac asôm gebe ‘Apômtaunê lêḡ jagêdêḡ atom.’ O lau Israel, aê oc jamêtôc amac samob êtôm nê m lêḡ êndêḡ-êndêḡḡeḡ.”

### *Nawae gebe Jerusalem ênanḡa*

21 Gêdêḡ jala kêtû 12, taḡ aêac anḡôn kapoacwalô nanḡ, ḡaajôn kêtû 10 ḡabêc 5 ḡac tenḡ, taḡ ḡêc siḡ anḡa Jerusalem ḡêmêḡ nanḡ, mêḡḡêô lasê aê ma kêsôm gebe “Êsêac sêku malac tulu.”

22 Gêdêḡ kêtula, taḡ ḡêmuḡ bêc ḡac tau ḡêô lasêḡa nanḡ, Apômtau lêma ḡêsac aê ma eḡ kêkêḡ imbeloc kêtû goloḡ ḡêdêḡ bêc, taḡ ḡac tau ḡêô lasê nanḡ, ma aê aocmê kêsa kêtiam atom.

### *Launêḡ sec*

23 Apômtau kêsôm biḡ ḡêdêḡ aê gebe

24 “O ḡamalac latu, lau taḡ sêḡḡôn malac ḡapopoc anḡa lau Israel nêḡ ḡamêḡ nanḡ, sêsôm gebe ‘Abraham eḡ ḡac tagenḡ ma Anôtô kêkêḡ ḡamêḡ samucḡeḡ ḡêdêḡ eḡ. Mago aêac lau taêsam, tec galoc ḡamêḡ tau kêtû aêacnêḡ ḡêḡḡac.’

25 “Amboac tonanḡ ôsôm êndêḡ êsêac gebe Apômtau kêsôm gebe Aôm goeḡ dec ḡêwiḡ ḡamêsôm tau. Aôm ḡôjam sakiḡ ḡwam. Aôm ḡôjac lau êndu. Asageḡ kêkêḡ aôm taêm ḡêjam gebe ḡamêḡ tau kêtû amacnêḡ.

26 Aôm taêm kêka nê m siŋ. Amac agôm gêŋ alôb-alôb. Amac agôm mockaiŋ gêdêŋ nê m lau wacbaŋ amac nêŋ lauo. Asageŋ kékêŋ amac taêm gêjam gebe gamêŋ tau kêt u amacnê m.

27 “Ôsôm êndêŋ êsêac gebe Apômtau kêsôm biŋ tonec gebe Aê gamoa matoc jali biŋŋanôgeŋ, tec jasôm êtu tôŋ gebe lau, taŋ sêŋgôŋ malac ŋapopoc naŋ, lau oc sênac êsêac êndu. Êsêac taŋ sêŋgôŋ gamêŋ ŋamagêŋa naŋ, bôcbôm oc sêndaŋgôŋ êsêac. Êsêac taŋ sêŋgôŋ malac ŋajaŋa me pocgêsuŋ naŋ, gêmac sec oc êŋgôm êsêac e sênaŋa.

28 Aê gabe jaŋgôm gamêŋ êtu gasaŋ. Nêŋ ŋaclai, taŋ êsêac tetoc tauŋ sa kêpi naŋ, oc êmbacnê. Ma gamêŋ Israel ŋalôc oc êtu gamêŋ sawa e ŋac teŋ êtôm gebe êsa lôc ŋaintêna êtiam atom.

29 Êndêŋ taŋ aê jaŋgôm gamêŋ êtu gasaŋ êtu sêgôm gêŋ alôb-alôb naŋŋa, êsêac oc sêjala gebe aê Apômtau tau.”

### *Jaen taŋ propete kêsôm naŋ ŋanô*

30 “O ŋamalac latu, nê m lau sêsôm biŋ kêpi aôm sêkô tunbôm ŋagala to andu ŋasacgêdô. Êsêac sêsôm gêdêŋ tauŋ gebe ‘Ajôc, tawac ma taŋô biŋ, taŋ galoc gêmêŋ aŋga Apômtaunê naŋ.’

31 Amboac tonaj lau sêliŋ tauŋ japaŋ-japaŋ amboac lau sêgôm-sêgôm ma ŋoc lau sêŋgôŋ sic sêŋgôŋ aôm laŋômnê mŋa to sêŋô nê m biŋ, mago sêŋgôm ŋanô êsa atom gebe biŋdansaŋ gêc êsêac awenŋsuŋ ma nêŋ ŋalêlôm gêgôm mocsac awageŋ.

32 Ma êsêac sêlic aôm amboac ŋac, taŋ gêjam wê têtac gêwiŋŋa ŋajamgeŋ to gêjac gêŋ wêŋa naŋ. Êsêac



sêhông aôm-nêm biñ samob, mago sêhôngm ñatenñ ñanô êsa atomanô.

<sup>33</sup> Ma êndênñ nanñ nêm biñ ñanô êsa-ma oc ñanô êsa biññanôgenñ-gocgo sêjala gebe propete tenñ gêmoa êsêac ñalêlôm.” \* êndênñ ñamu (Ep 1:14) † ñabelo gebe enñ oc taê ênam nê tôp tonanñ. ‡ êtiam.

## 34

### *Lau Israel nêñ gejobwaga*

<sup>1</sup> Apômtau kêsôm biñ tonec gêdênñ aê gebe

<sup>2</sup> “O ñamalac latu, oc biñ lasê êkanônñ lau Israel nêñ gejobwaga. Oc biñ lasê ma ôsôm êndênñ êsêac gebe Apômtau Anôtô kêsôm biñ tonec gebe Ojae, amac gejobwaga Israelña, amac ajop taômgenñ. Gejobwaganênñ kôm gebe sejop domba nec atom me.

<sup>3</sup> Amac aenñ ñalêsi to asô ñakwê, tanñ awa ña domba ñaôlilu ma abuc domba ñajam to aenñ ñamêsôm tau, mago amac alôm domba tau atom.

<sup>4</sup> Amac apuc gênñ palê-palê tôñ atom to agôm êsêac, tanñ gêmác gêgôm êsêac nanñ, ôlinñ ñajam kêsá atom. Amac asabanñ êsêacnênñ kamoc atom ma ajonñ êsêac, tanñ seo sic nanñ, sa ma awê êsêac sêmu sêmênñ atom to asom êsêac, tanñ sêjanña nanñ, atom amboac tonanñgenñ

<sup>5</sup> Tec lau sêjac domba tau salinñ-salinñ e têtú bôcbôm samob nêñ gwada gebe nêñ gejobwaga masi.

---

\* **33:33:** Kamaclaunñ: 1. kêtú ñabelo gebe tatap ñanô tau sa  
 † **33:33:** 2. ñac tenñ embe ênam tôp tenñ, go êkênñ gênñ êtú ‡ **33:33:**  
 Malôgenñ embe ênac tôp tonanñ, go êtap nê gênñ tau sa

<sup>6</sup> Êsêac sêjac ñoc domba salinj-salinj e seo sic sêmoa lôc to gamêñ ñabau samob. Êsêac sêjac ñoc domba salinj-salinj e sêjam nom ñagamêñ samob auc. Ma ñac teñ gêjam jaom êsêac to gesom êsêac atom.

<sup>7</sup> “Amac gejobwaga, galoc anô binj, tañ aê Apômtau gabe jasôm êndêñ amac nañ acgom.

<sup>8</sup> Aê gamoa matoc jali binñanôgenj, tec jasôm êtu tôñ gebe Aêñoc domba têtù bôcbôm nêñ gwada ma bôcbôm samob señ ñoc domba kêtù êsêacnêñ mo gebe domba nêñ gejobwaga masi. Aêñoc gejobwaga sesom ñoc domba atom. Gejobwaga sêlôm taunjenj ma sêlôm ñoc domba atom.

<sup>9</sup> Kêtù binj tonañ ñainja amac gejobwaga akêñ tañem ñoc binj acgom.

<sup>10</sup> Aê Apômtau Anôtô jasôm lasê gebe aê oc jakalem gejobwaga gebe sêwa nêñ binj sa. Aê oc jaka jaê ñoc domba anja êsêacnêñ ma janac jao gebe sejop ñoc domba êtiam. Ma gejobwaga sejop taunj êtiam atom amboac tonanjenj. Ma aê gabe janam ñoc domba kêsi anja êsêacnêñ awenjsunj e têtù êsêacnêñ gwada atom.”

### *Nacgejob ñajam*

<sup>11</sup> “Aê Apômtau Anôtô jasôm êndêñ amac gebe aê taucgenj gabe jansom ñoc domba ma jajop êsêac.

<sup>12</sup> Aê gabe jajop êsêac êtôm ñacgejob gêjam jaom nê domba, tañ lau sêjac salinj-salinj sêmoa gamêñ samob nañ. Aê gabe janam ñoc domba kêsi anja gamêñ samob, tañ lau sêjac êsêac salinj-salinj gêdêñ ômbinj to ñakesec kêkôm gamêñ auc nañ.

<sup>13</sup> Aê gabe jakôc êsêac su anja gamêñ jaba tau ma jajonj êsêac sa to jawê êsêac sêmu dêndêñ taunj nêñ gamêñ sêmêñ êtiam. Aê oc jalôm êsêac anja

lôc to gaboan Israelña ma anğa gamêñ tau ñamala ñajamanô.

14 Aê gabe jalôm êsêac ña gêgwan ñajam ma êsêac sêniñ gêgwan tau anğa Israel ñalôc. Anğa tônê êsêac sêlêwan taun anğa gamêñ wale-wale ma sêniñ gêgwan ñajamanô anğa Israel ñagamêñ.

15 Aê taucgen gabe jatu ñoc domba nêñ gejob-waga ma gabe jatap gamêñ sêlêwan taunña ten sa êtu êsêacña. Aê, Apômtau Anôtô tauc kasôm bin tonan.

16 “Aê gabe jansom êsêac, tañ sêjanña nan, ma jajon êsêac, tañ seo sic nan, sa to jawê êsêac sêmu sêmêñ ma jansamban êsêacnêñ kamoc to janğôm êsêac, tañ gêmac gêgôm êsêac nan, ôliñ ñajam êsa, mago onan, tañ tonalêsi ma toôliñwalô nan, aê oc jansen su. Aê oc jatu êsêacnêñ ñacgejob gêdêñ tau.

17 “O ñoc domba, amboac tonan aê, Apômtau Anôtô jasôm êndêñ amac gebe Aê gabe jamêtôc domba êndêñ-êndêñgen ma jawa domba kapoac to noniñ kapoac êkôc.

18 Amboac ondoc amac ñagêdô aen gêgwan ñajamanôgen jakêtôm atom, tec amac aka gêñ, tañ amac aniñ atom nan, popoc nec. Amac anôm bu ñakêñkêñ, tec agôm onan, tañ amac anôm atom nan, ñamôp kêsa.

19 Ma aêñoc domba ñagêdô oc sêniñ gêgwan, tañ amac aka popoc nan, ma sênôm bu, tañ amac agôm ñamôp kêsa nan.

20 “Amboac tonan aê, Apômtau Anôtô jasôm êndêñ amac gebe Aê tauc jamêtôc amac domba, tañ atôp e ñatêku masi nan, to amac, tañ ôliñ ñasan nan.

21 Amac alêsuc domba palê-palê to asap êsêac ña nê m jabo e atin êsêac su ança ton ñalêlôm.

22 Mago aê oc janam ñoc domba kêsi. Êsêac têt u nê m gwada êtiam atom. Aê oc jamêtôc domba samob êndêñ-êndêñgen.

23 Aê oc jakêñ ñoc sakinwaga Dawid êtu êsêacnêñ gejobwaga. En oc êlôm êsêac ma êtu nêñ ñacgejob ñanô.

24 Aê Apômtau tauc gabe jatu êsêacnêñ Anôtô ma ñoc sakinwaga Dawid êtu êsêacnêñ gôlinwaga. Aê, Apômtau kasôm bin tonan.

25 Aê gabe jamoatin poac wamaña êndêñ êsêac ma jansoc bôcbôm sêwi nêñ gamêñ sin, go ñoc domba sêngôn ñajamgen ança oba ma sêncêc bêc ança salen.

26 “Aê gabe janam mec êsêac to gamêñ, tan kêgi ñoc lôc dabun auc nan, ma jakêñ kom ênac êndêñ ñanoc solop. Kom tau oc êmoasin nom.

27 Ka kômña ênam ñanô ma nom êkêñ gêñ êpi ñajamgen ma lau oc sêmoa ñajam ança tauñ nêñ nom. Ma aê embe jamô ñoc launêñ kapoacwalô êngic ma jajanço êsêac su ança lau, tan sêkônin êsêac tôñ lemeñ e sêmoa nêñ tauñña nanço sêjala gebe aê Apômtaugoc.

28 Lau tentenlatu oc sêjanço êsêac êtiam atom ma gamêñ ñabôcbôm oc sêndançôn êsêac êtiam atom amboac tonanjen. Êsêac oc sêmoa ñajam ma ten êtakê êsêac atom.

29 Aê oc jasê êsêacnêñ kôm moasinña gebe mo êjô êsêac êndu ança gamêñ tau êtiam atom.

30 Ma êsêac samob oc sêjala gebe aê, Apômtau Anôtô jamoa jawin êsêac ma lau Israel têt u aênoc

lau. Aê Apômtau Anôtô, kasôm biñ tau tonañ.

<sup>31</sup> “Ñoc domba amac, ñoc domba ñaton, tañ aê galôm nan, atu ñoc lau. Ma amacnêm Anôtô aê. Apômtau Anôtô kêsôm biñ tau tonañ.”

**35:1–36:21 Propete geoc biñ lasê kêkanôn gamêñ Edomña ma kêsôm lasê gebe lau Israel sêmu sêna nêñ malacmôkê êtiam.**

## 36

### *Lau Israel sêmoa ñajam êtiam*

<sup>22</sup> “Amboac tonañ ôsôm êndêñ lau Israel gebe Apômtau Anôtô kêsôm biñ tonec gebe O lau Israel, gêñ tañ aê jañgôm nan, aê jañgôm êtu amacña atom, aê jañgôm êtu aêñoc ñaê dabuñña, tañ amac agôm kêtú sec anga lau samob, tañ amac aô lasê êsêac nanña.

<sup>23</sup> Aê oc jawaka ñoc ñaê towae ñadabuñanô sa. Ñoc ñaê kêtú sec anga tentenlatunêñ, amac agôm ñoc ñaê kêtú sec. Ma tentenlatu sêjala gebe Apômtau aê. Aê Apômtau Anôtô kasôm biñ. Aê oc jawaka tauc sa êpi amac gebe aê dabuñ.

<sup>24</sup> Aê gabe jakôc amac su anga tentenlatunêñ ma jajon amac sa anga gamêñ samob ma jawê amac amu andêñ taôm nêñ gamêñ ana êtiam.

<sup>25</sup> Aê jansanem bu ñawa êpi amac e atu selec. Aê jakwasin nêñ ñatêmui to nêñ sakin gwamña su ênaña.

<sup>26</sup> Aê gabe jakêñ ñalêlôm wakuc teñ êndêñ amac. Aê gabe jakôc nêñ ñalêlôm ñadani su ma jakêñ ñalêlôm biñmalôña êndêñ amac.

27 Aê oc jakêñ ñoc ñalau êsêp amacnêm ñalêlôm ma jajop gebe amac andañguc ñoc biñsu ma añgôm jatu samob, tañ kakêñ gêdêñ amac nañ, ñanô ésa.

28 Go amac oc añgôñ gamêñ, tañ kakêñ gêdêñ amacnêm mimi nañ. Amac atu aêñoc lau ma amacnêm Anôtô aê.

29 Aê gabe janam amac kêsi aña nêm ñatêmui samob. Aê gabe jajatu nom gebe êkêñ ñanô taêsam gebe aóc tóbôm êtiam atom.

30 Aê gabe jakêñ ka ênam ñanô to kôm ênam ñanô êtu taêsam gebe tóbôm, tañ êñgôm waem sec aña tentenlatunêñ nañ, teñ ésa êtiam atom,

31 go amac taêm ênam nêm lêñ alôb-alôb, tañ asa nañ, to nêm sec, tañ agôm nañ, ma majem taôm êtu nêm sec to geonja.

32 O lau Israel, ajalamañ gebe aê jañgôm gêñ tonañ ñai êtu amacña atom. Majem to asi taôm êtu nêm lêñja. Aê Apômtau Anôtô kasôm biñ tonañ.”

33 Apômtau Anôtô kêsôm gebe “Êndêñ bêc, tañ jakwasin amacnêm sec samob su atu selec nañ, aê jakêñ amac añgôñ nêm malac ma akwê nêm andu ñapopoc sa êtiam.

34 Ma jakêñ amac awaka gamêñ, tañ lau tê sêwê sêja sêmêñ nê, sêlic amboac gamêñ sawa nañ, sa êtiam.

35 Ma lau oc sêsôm gebe ‘Gamêñ tonañ kêtú gasañ ma galoc talic amboac kôm Eden. Ma malac, tañ kêtú tuc to sawa ma sesen popoc nañ, galoc lau sêñgôñ ma sêkwê tunbôm sa kêtiam.’

36 Go lau tentenlatu, tañ sêñgôñ sêñgi amac auc nañ, sêjala gebe aê, Apômtau kakwê malac popoc sa ma kasê mo kêsêp gamêñ gasañ kêtiam. Aê

Apômtau gajac mata biñ tonañ ma aê oc jañgôm ñanô êsa.”

<sup>37</sup> Apômtau Anôtô kêsôm biñ tonec gebe “Aê gabe jakêñ lau Israel teten aê gebe janam êsêac sa êtu gêñ tenña êwiñ gebe jakêñ êsêacnêñ namba êtu kapôêñ amboac domba ñaton ten.

<sup>38</sup> Lau toton-toton sênam malac, tañ galoc kêtú tuc nañ, auc amboac domba danña sêjam Jerusalem auc gêdêñ têm omsêgaña. Êndên tonañ êsêac sêjala gebe Apômtau aê.”

## 37

### *Gaboañ ñatêkwa ñakelenña*

<sup>1</sup> Apômtaunê lêma gêsac aê ma Apômtaunê Ñalau kêkôc aê ma ketoc aê kakô gaboañ, tañ ñatêkwa gêjam nom auc samucgen.

<sup>2</sup> Ma enj gêwê aê kasêlêñ gaboañ tonañ samucgen ma aê galic gebe ñatêkwa taêsam ñasec gêjam gaboañ tonañ auc ma ñatêkwa tau ñakelen lanjwagen.

<sup>3</sup> Enj kêsôm gêdêñ aê gebe “O ñamalac latu, ñatêkwa tonec oc êtôm gebe maten jali êsa êtiam me masi.”

Ma aê gajô enj gajô enj awa gebe “O Apômtau, ñoc Anôtô, aôm taômgen tec kôjala biñ tonañ.”

<sup>4</sup> Enj kêsôm gebe “Oc biñ lasê êndên ñatêkwa tau ma ôsôm êndên êsêac gebe O ñatêkwa ñakelen, akêñ tanem Apômtaunê biñ.

<sup>5</sup> Apômtau Anôtô kêsôm biñ tonec gêdêñ ñatêkwa gebe Alic acgom, aê oc jaju aocjaô êsêp nêm ñalêlôm, go matem jali êsa êtiam.

<sup>6</sup> Aê oc jakêñ ñakalôc to ñamêsôm êndêñ amac ma jakwa amac auc ña ñaôlic. Aê gabe jaju aocjaô êsêp amacnêm ñalêlôm ma jakêñ amac matem jali êsa. Go amac ajala gebe aê Apômtau tau.”

<sup>7</sup> Amboac tonañ aê gaoc biñ lasê kêtôm Apômtau kajatu aê. Ma gêdêñ tan gaoc biñ lasê nan, ganô ñakicsêa amboac gegob kêtan ma galic ñatêkwa sêjac têku taun ma sêlin taun japan-japan ma sêjac têku taun.

<sup>8</sup> Gêdêñ tan kapuc matoc tôñ gêñ tau nan, ñakalôc to ñamêsôm ma ñaôlic gêjac têc ñatêkwa auc, mago awajaô kêsêp ôlin atom tagen.

<sup>9</sup> Go Apômtau kêsôm gêdêñ aê gebe “O ñamalac latu, oc biñ lasê êndêñ ñalau. Ôsôm êndêñ ñalau gebe O awajaô, ômôêñ anga nom maken-maken samob ma ôju êsêp ñacmatê tonec gebe maten jali êsa.”

<sup>10</sup> Amboac tonañ aê gaoc biñ lasê kêtôm en kêjatu aê. Ma awajaô jakêsêp ñacmatê e maten jali kêsa ma dêdi sa jasêkô. Êsêac taêsam ñasec kêtôm sinwaga ton kapôêñanô ten.

<sup>11</sup> Anôtô kêsôm gêdêñ aê gebe “O ñamalac latu, lau Israel têtôm ñatêkwa tonañ. Êsêac sêsôm gebe êsêac têtû kelen ma nêñ gêñ sêkêñ matenña masi, tec sêbacgac.

<sup>12</sup> Amboac tonañ aôm oc biñ lasê ma ôsôm êndêñ êsêac gebe Apômtau kêsôm biñ tonec gebe O ñoc lauace, alic acgom, aê gabe janja amacnêm sêô ma janu amac andi sa ma jakêñ amac amu ana gamêñ Israelña êtiam.

<sup>13</sup> Êndêñ tan janja nêm sêô ma janu amac andi sa nan, ajala gebe aê Apômtau tau.



14 Aê gabe jaju ñoc aocjaô êsêp amacnêm ñalêlôm ma amac matem jali êsa ma jakêñ amac anğôñ nêm gamêñ. Êndêñ tonañ oc ajala gebe Aê Apômtau gajac mata biñ tonañ ma aê oc jangôm ñanô êsa. Aê Apômtau kasôm biñ tonañ.”

*Juda to Israel têtú gamêñ kiñña tagen*

15 Apômtau kêsôm biñ tonec gêdêñ aê kêtiam gebe

16 “Ô ñamalac latu, ôkôc tôc teñ ma oto biñ tonec êsêp gebe ‘Êtu Juda to Israel, tañ sêsap eñ tônia nañña.’ Go ôkôc tôc teñ êtiam ma oto biñ tonec êsêp gebe ‘Êtu Josep to lau Israel samob, tañ sêsap eñ tônia nañña.’

17 Gocgo ômêñgôm tôc luagêc tonañ e ñatêku êndiñ tau gebe talic amboac gêñ tagen.

18 Ma nêm lau embe sêsôm gebe ‘Ôwa gêñ tonañ ñam sa,’

19 go ôsôm êndêñ êsêac gebe Apômtau Anôtô kêsôm biñ tonec gebe Aê gabe jakôc Josep nê tôc, tañ kêsêp Epraim lêma nañ, to gôlôac Israel, tañ sêsap eñ tônia nañ, nêñ ma janac têku ña Judanê tôc e têtú tôc tagen, tañ jamêñgôm êsêp aê lemoc.

20 “Ômêñgôm ka luagêc, tañ koto biñ kêsêp nañ, tônia ña lêmam ma ôtôc lau sêlic.

21 Go ôsôm êndêñ êsêac gebe Apômtau Anôtô kêsôm biñ tonec gebe Alic acgom, aê gabe jakôc lau Israel sa anğa tentenlatunêñ ma jajon êsêac sa anğa gamêñ samob ma jakêñ êsêac sêmu dêndêñ êsêac tauñ nêñ gamêñ sêna.

22 Aê gabe jakêñ êsêac têtú lau ton tagen anğa Israel ñagamêñ lôcña. Êsêacnêñ kiñ tagen ênam

gôlinj êsêac ma êsêac sêwa taunj êkôc têtû lau tonj luagêc me têtû gamênj kinjja luagêc êtiam atom.

<sup>23</sup> Êsêac sêngôm taunj natêmui êsa nja nênj gwam to gênj alôb-alôb kainj tenj ma nênj sec tokainj-tokainj êtiam atom. Aê gabe janam êsêac kêsi anja nênj lênj sêgêli binjsu to sêgôm secnja ma jakwasinj êsêac têtû selec. Ma êsêac têtû njoc lau ma aê jatu nênj Anôtô.

<sup>24</sup> Kinj tenj amboac njoc sakinjwaga Dawid ênam gôlinj êsêac ma njacejob tagenj ejop êsêac samob. Êsêac tanenj wamu njoc jatu to sejop njoc binjsu njapepenj.

<sup>25</sup> Êsêac oc sêngônj gamênj, tanj kakênj gêdênj njoc sakinjwaga Jakob nanj, êsêac sêngônj nom, tanj nênj mimi sêwê kainj nanj. Êsêac to nênj gôlôac to nênj gôlôac nênj wakuc samob sêngônj gamênj tonanj endenj tôngenj. Ma kinj tenj amboac njoc sakinjwaga Dawid oc ênam gôlinj êsêac endenj tôngenj.

<sup>26</sup> Aê gabe jamoatinj poac wamaña tenj êndênj êsêac. Poac tau ênêc êsêacnja endenj tôngenj. Aê gabe janam mec êsêac to jakênj êsêac têtû taêsam ma jakênj njoc lôm dabunj êkô êsêac njalunj endenj tôngenj.

<sup>27</sup> Aê gabe jangônj êtu têlê jawinj êsêac. Aê gabe jatu êsêacnênj Anôtô ma êsêac têtû aênjoc lau.

<sup>28</sup> Embe jatoc njoc lôm dabunj êkô êsêac njalêlôm endenj tôngenj, go tentenlatu oc sêjala gebe aê Apômtau jakênj Israel têtû lau dabunj.”

**38:1-48:35** Apômtaunê jaenj tenj kêsôm lasê gebe Israelnênj njacjo oc sênaña ma Anôtônê lau oc sêngônj nênj malacmôkê têtû wakac êtiam. Môkêlatu njamuña gêwa lôm dabunj wakuc to njagênlêlôm samob, tanj Esekiel gêlic gêdênj tanj katu kainj tenj kêsa nanj sa. Binjsu tanj ênam gôlinj sakinj lôm

dabuŋŋa naŋ, gêc môkêlatu tonec gêwiŋ ma ŋagôliŋ sênac sam nomŋa gêc amboac tonanŋeŋ.

Esranê buku tonec gêjac têku Miŋtau ŋabuku lu-agêc. Lau Juda, taŋ sêŋgôŋ kapoacwalô anŋa Babel naŋ, nêŋ ŋagêdô sêmu sêja nêŋ malacmôkê ma sêkwê nêŋ malac Jerusalem sa to sêwaka sakin omŋa sa kêtiam.

Êsêac têdênaŋ miŋ tau kêsêp ŋasêbu têlêac gebe

1. Môkêlatu 1-2 Lau Persia nêŋ kiŋsêga Kirus kêjatu lau Juda nêŋ toŋ ŋamataŋa gebe sêmu sêna nêŋ gamêŋ.

2. Môkêlatu 3-6 Êsêac sêkwê lôm dabuŋ sa kêtiam ma sêjac kawi lôm tau. Su, go sêwaka Anôtônê sakin omŋa sa kêtiam.

3. Môkêlatu 7-10 Jala ŋagêdô gêjaŋa acgom, go Esra gêwê lau Juda nêŋ toŋ teŋ sêô lasê Jerusalem amboac tonanŋ. Esra kêjala Anôtônê biŋsu kêtú tôŋ eŋ, tec kêmasaŋ lêŋ teŋ gebe lau Juda sêwi nêŋ lauo jaba, taŋ sêjam naŋ, siŋ gebe sejop lau Israel nêŋ biŋlênsêŋ, taŋ gêjam gôliŋ nêŋ sakin dabuŋ ŋalêŋ naŋ.

**BIBOLO DABUN**  
**The Holy Bible in the Yabem language of Papua New Guinea**  
**Buk Baibel long tokples Yabem long Niugini**

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

---

PDF generated using Haiola and XeLaTeX on 18 Apr 2025 from source files dated 31 Aug 2023

447e01c5-a375-5452-ae54-b3f890293eeb